

地140.247  
32.54  
部=126

東阿縣志  
禮

卷二卷一

建置志

方域志  
沿革表



東阿縣志序



乙未冬余

欽假南旋舟次安平東阿令  
鄭子承懷晉謁携其續  
脩邑志問序於余余謂

李序一

今之爲吏者多矣大都  
簿書期會希合上指已  
耳疇肯留心文獻爲繼  
往開來之舉乎鄭子可  
謂達於治體矣蓋志者

識也天時之理則書地  
利之宜則書人事之盡  
則書是故大而方域建  
置職官賦役選舉人物  
政紀藝文之類細而陵

墓寺觀市衢蟲魚鳥獸  
草木花實叢談之屬無  
不燦然畢具君子讀之  
可以有益於脩身可以  
有益於治人可以有益

於治天下國家志之所  
係重矣哉且是阿邑志  
也者自有明于孟二公  
纂脩後綱舉目張閎博  
雅暢有非他邑志所可



比者鄭子取而復明之  
豈不大有功於前列乎  
鄭子與余姻聯里閨居  
鄉恂恂君子也今觀其  
爲政重文學先教化知

其無不勞心於撫字可  
謂達于治體矣異日者  
報最

朝廷卽以是供

國史之採錄也可

李序四

賜進士第光祿大夫

文淵閣大學士兼吏部尚

書加四級安溪李光地

撰

東阿縣志序

按劉向說苑齊君使尹  
子奇治阿子奇裁童子  
耳其之阿也所與其載  
者皆白首也使耆還告

金序一

齊君曰夫以老者之智  
以少者決之子奇必能  
治阿矣而阿果治迨至  
今日故山左之雄區也  
予自康熙癸巳出守斯

邦比歲數數取道於阿  
見夫羣峰環抱衆派遶  
流隸斯土而生其間者  
古蹟備人達達不乏吾  
知阿乘必大有可觀者

金序二

矣甲午予有纂輯郡乘  
之舉檄取州邑新舊志  
書以資蒐蒐羅考訂且甚  
有望于州邑同事諸君  
子之各修志書合力襄

助以成斯舉志頗專意  
甚亟也明年而阿令鄭  
君以續修者進且徵予  
一言予惟阿志自明于  
文定孟中丞二公輯後

金序三

至康熙初年劉令沛先  
繼之今五十載矣鄭君  
與阿之賢達輩重爲增  
修而雕之棗則五十載  
內故者宜仍新者當採

以至補其所遺而闕其所疑不亦可無餘憾也乎予披覽三復若前之所見爲羣峰環抱者則曰少岱曰黃山衆派遶

金序四

流者則曰瓠子瀆曰大清河而且有三歸臺掛劍臺阿城桃丘之歷歷古蹟而且有用魏之程昱晉之魏浚宋之王遷之

濟濟備人自一輯再輯  
以至今之三輯而阿乘  
果大有可觀已夫志者  
史也古之史官成一代  
之書未有不藉夫國之

金序五

耆舊鄉之賢人互相發  
明叅訂而始足以垂不  
朽于孟二公之志是也  
鄭君孝廉名宿其治阿  
也吾固知其遠追昔日

之子竒而卽此一志益  
可信其能用老者之智  
而出則白首其載也予  
爲阿幸爲阿志幸而不  
揣無文聊用一言以爲

金序六

之序 肯

皇清康熙五十六年歲序丁

酉孟冬

中憲大夫知山東兗州  
府事加三級紀錄十五

次前戶部陝西清吏司  
郎中山陰金一鳳紫庭

甫撰



重修東阿縣志序

國有史邑有乘非徒紀事編年而已蓋將示勸懲于來世也東阿志自明弘治庚申脩後至萬曆壬午重修始方域終藝文分十二卷允稱勝國信史我

序一

朝受命文教誕敷

今上御極之四年劉令沛先慨然公取

邑志而重修之時相與校繼言者

進士李居易一人今五十年來

山川之氣運重開人文之英華

蔚起成進士者則有張君、心友

秦君紫霓魏君鄴亭他若舉子  
鄉者拔茅連茹彬彬濟濟又皆  
莫可量矣際斯時也倘邑乘不  
脩文獻無徵後之人雖有作史  
之才其孰從而求之余方興念  
及此適

序二

郡憲金公檄行脩志于是乃集邑  
之文學士而告之曰古稱良史  
首推班馬今觀邑乘舊本若干  
若孟奚多讓焉諸君子幸生二  
史之後宜追昔日之芳踪毋徒  
騁乎詞華毋專執乎意見舊者

仍之新者採之遺者續之疑者  
闕之使前之脩志者有傳而後  
之脩志者有稽雖未免不醇不  
備之憾要必存矢公矢慎之心  
知我罪我聽之而已惟時諸君  
子唯唯咸不誣乎余言因捐俸

序三

續梓而爲之序

大清康熙五十四年歲在乙未菊  
月穀旦東阿縣知縣加二級清  
溪鄭廷瑾謹序

東阿縣志原序

志史例也史家體裁各異而郡邑之志因之故志亦史也編年紀事者本春秋及宋司馬氏其各爲表志紀傳者準馬遷班固書期於文直事核信今傳後成一國一邑之事而已東阿故有志不詳其所由始弘治間重修於秦令昂楊文襄公有序迄今八十年餘中間故實脫畧篇章殘缺覽者病焉黎陽朱君德載以進士高等來宰阿才猷敏茂多奇樹歷三載政成民懷百廢俱興暇中覽邑乘嘆曰阿固兩都通津山左雄區也其疆域陵谷徃躅

東阿縣志

原序

一

遺文散見於史傳及學士大夫談說間要不妙矣而舊乘所載寥寥若此千百年文獻缺然紀述曷稱觀視哉會邑人太史于君可遠柱史孟君嗣孔方家居具良史才朱君就謀之廼以編摩托二君而躬率諸文學士爲纂集其事述三月而志告成始方域終藝文凡十二卷將梓以傳于君於余爲同年友函志馳書山中屬余序諸簡端余受而讀之見其四表八志一取裁於馬遷而紀事叢談間折衷於左氏馳騁古今包羅圖史吏治民隱一篇之中三致意焉閎博雅暢裒然成一邑全書視舊

所輯錄不啻加千百矣噫實在玄室漫然求之百  
不得一及懸青藜耀白日燦然具陳此詳畧之辨  
也阿非鄙小縣舊乘晚漏求者遺之爾乃若干孟  
二君負大節探奇踪蓋才瀉三江志吞五嶽矣時  
時躡屨鄒嶧之巔訪秦人故碑弭節少皞之都賦  
魯靈光殿陳孔庭俎豆由日觀蓬萊而東之觀秦  
皇漢武登封駕海之轍跡則見環阿諸山蜿蜒起  
伏氣脉隱隱自東岱來而境內所有汶濟馬頰諸  
河入海故道明如指掌西則漣渠橫帶萬艘鱗次  
東望城邑雲物蒸蒸然靈氣所鍾宜多瑰瑋碩大

東阿縣志

原序

二

之產無論古昔高人騷客比肩繼踵至今談經守  
禮之士彬彬比壤於鄒魯得遺風焉游目寓足曠  
然大觀故所敘述事廣而文典詞質而理盡殫見  
洽聞多有得於讀典子集之外者昔馬遷氏南遊  
江淮北涉汶泗講業齊魯鄉射鄒嶧足跡徧寓內  
而後所著史記一書矯然爲千古史規蓋所得於  
游歷者多也以今揆昔卽二君何殊耶且此邑乘  
褒貶之柄者臺諫史官焉柱史君翱翔舊都涉六  
朝遺踪冠華貂珥白簡侃侃論天下事忠言讜議